

سلطان عبدالحمید ثانی یہ دائر

عبدالرحمن سرف ، سلطان عبدالحمید خان ثانی : بیورت خانی
اصغر رفیع ، سلطان عبدالحمید ثانیٹک نعشی اوکنده



استانبول

هلال مطبعہ سی ، باب عالی قارشوسنده

۱۹۱۸

سلطان عبدالحمید خان ثانی : صورت خلعی

ولادت ۱۶ شعبان ۱۲۵۸ - جلوسی ۱۱ شعبان ۱۲۹۳ - خلی ۷ ربیع الآخر ۱۳۲۷ -
وفاتی ۲۸ ربیع الآخر ۱۳۳۶

حرری : عبدالرحمن اشرف

عثمانی پادشاهلرینک ازدیاد سن جهندن ایکنجیسی وامتدادسلطنت اعتباریه دردنجیسی اولان سلطان عبدالحمید خان ثانی آرتق تاریخه مال اولدی. علائق دار فزادن ال چکمسیله کیروده قالانلرک خصومت دنیویه و احتراصات قلیه لرینه خاتمه چکلمک لازم کلور. موتایه رحمت اوقومق و تقصیراته مغفرت دیله مک مقتضاء نجابت اسلامیه در. اوتوز اوچ سنه سورن حکومتی محاکمه و تنقیدایتمک ایلروده مورخینک عادل وجدانلرینه وییظرف قلملرینه عائد بروظیفه در.

شهریار مشارالیهک سیما و بنیه سنده خاندان عثمانیه یه مخصوص اولان علامات ایوجه فرق و مشاهده اولنور ایدی. نسه کیم جاتیله بللینی طرفندن ترسیم اولنان فاتحک تصویرنده خاقان سابقک خطوط وجهیه سی نمایندر. کندوسی ذکی و حساس، دقیقه شناس، معامله معتادوسی نازک، حلاوت مخصوصه صدایه مالک، افندیلکک و خلافت و سلطنتک عز و وقاری مع التقدير تمامیه برینه کتیریر، بندکانی تلطیف و کندیله کوروشن اجانبی طاعتی دیلی و جاذبه نزا کتی ایله تسخیر ایتمه نک یولنی بیلیر، تهدیدینی حقیه ایقاعه قادر ولدی الحاحیه اظهارشدت و یاتسکین عده مقتدر ایدی. کوچک یاشندن برومبتلی اولدی و اهمه نک تأثیریه سلطنت و حیاتی دایما تهلمکده کورمک کندوسنده برمرض مزمن مغوی حالتی آلمش ایدی. زورنا جیلرک القات متوالیه سی و همنه مروحه جنبان اولمقله حفظ جاه ایچون خاطره کان و کلمان تقیدات و تضییقاتک کافه سنی اجرا و خواب و آرام و فعالیت و اهتمامی بو اوغورده فدا ایلدیکی حالده جناب رب قدیرک

عدالت ازلیه سی تجلی ایلیه رک عاقبت قورقدیغنه اوغرا دی و خلع اولندی . هر کسجه معلوم اولیان کیفیت خلعتی بیان و حکایه ایده جکم :

اوتوز بر مارت (۱۳ نیسان ۱۹۰۹) عصیان عسکرسی اوزرینه سلانیکدن استانبوله عزیمت ویناۃ عسکریه نك تأدینی درعهده ایدن حرکت اردوسی قوماندانی محمود شوکت پاشا آیاستفانوسده اجتماعه باشلایان اعیان و مبعوثان مجلسنه ورودنده خلع کیفیتنی اصلاً خاطره کتیرمه مکی افاده و اخطارایله مش ایسهده افکار عمومیه نك شیجانی اوکنه کچیله جک رادهده اولمیدقندن چاروناچار تبدل سلطنت هدف انظار اولدی .

حرکت اردوسنك استانبوله دخولنی متعاقب اعیان و مبعوثان دخی آیاستفانوسدن آیاصوفیه ده کی دائرة مخصوصه لرینه عودت ایتدی و ۱۳۲۷ ربیع الآخرینك یدنجی صالی کونی (۱۴ نیسان ۱۹۰۹) مبعوثان سالوننده مجلس ملی حالنده برلکنده اجتماعلری وقوع بولدی . خلع مقرر اولوب اجر اسنده مشکلاته تصادف اولتماق ایچون ییلدیزده بولنان عساکر و توابعک اخذی و قرب سلطنتدن تبعیدی اولجه قرارلاشدیرلمش و بونكده یوم مذکورده حصولی تخمین قلنمش اولدیقندن مجلس ملینك اجتماعندن مقصد خلع قرارینی ویرمک ایدی .

یوم مزبورده مجلس عمومینك جلسه سی خفی ودائمی اولدی . و مجلسه اعیان رئیس سی سعید پاشا ریاست ایتدی . جلسه نك کشادنده ییلدیزك تسلیم آلدیغنه و موجب اندیشه برشی قالمدیغنه دائر محمود شوکت پاشادن کلان تلغرافنامه اوقونه رق برچوق خطیلر سوز ایستدی . هرکس تتابع کلام ایله هدفه واصل اولغنی دوشونیور ایدی . فقط الک اول سوز سویله یین غازی مختار پاشا مسئله نی حل ایدیوریدی . مشارالیه دیدی که : «بوکون جناب حق مجلس ملی به بز مهم وظیفه تودیع ایتمشدر . ملت تلاش ایچنده بووظیفه نك ایفاسنی بکله یور ، هیمز قلمزده اولجه قرارین ویرمشزدر . سوزی اوزاتمغه حاجت یوقدر . یالکنز ایکی شیئی سزلردن رجا ایدرم . اولاد دولت علیهده امثالی نامسبق اولان بو احواله بعضاً اتلاف دخی وقوع بولمشدر . لکن آلوده خون اولمق ملئک شان و زاهتنه یاقیشماه جغندن

بو خصوصدن توقی اولونماسنی شدتله التزام ایلرم . ثانیاً احوال بمائنده فتوایه مراجعت اولنق عادت اولغله بوکون دخی مسئله نك طرف شرع شریفدن استفتا اولنسنی تکلیف ایلرم . »

بو تکلیفلر آقیشلرله قبول اولندی و فتوی امینك جلبی ایچون هان برهیئت مرخصه کوندرلدی . مختار پاشانك سوزلری حضارك مضمیر درونلرینه ترجمان اولدیغندن فضله ایراد کلامه حاجت قالمادی و فتوی امینی حاجی نوری افندیك ورودیله فتوی استحصال اولنجه یه قدر جلسه موقتاً تعطیل اولندی . فقط اعضادن هیچ برینك مجلس صالونندن چیقمامسی و خارجدن دخی هیچ کیمسه نك ایچرو کیرمه می قرار قطعی آلتنه آلتدی .

فتوی امینی کلدکده اعیان و مبعوثان رؤسای و وکلا (توفیق پاشا قاینه سی) و فقهه اتسابی اولان برقاج مبعوث مجلس مبعوثان رؤسی احمد رضا بکک او طه سنده طوبلان دیلر . بر کوچک و مهم انجمن ده اوراده اولدی . مبعوث افندیلرک تسوید ایتدکلری فتوی صورتی تصویبده حاجی نوری افندی بدایه تعال کوستردی ، و کندوسی افتایه مأمور اولدیغندن بو خصوصده رأی و مطالبه می صورلمغه لزوم اولدیغنی افاده ایدوب شیخ الاسلام ضیاء الدین افندی یه اشارتله : «مقی الانام ذات عالیبردر . فتوا و یرمک کندیلرینه طأددر . نسل تنسیب بیورلرسه اولوجهل اجرا ایدرلر . » دیدی .

بونك اوزرینه سوز اوزایوب سوقاقلرده متجمع و متموج اولان بیکلرجه خلئق قولیاتدن زیاده فعلیاته منتظر اولدیغنی سوبلندی . نهایت حاجی نوری افندی رأینی اظهار ایله : «خلعهده میمنت یوقدر . تبدل سلطنت مقتضی ایسه تکلیف ایدیکنز ، نفسنی عزل ایتسون . » دیدی . مسود افندیلر فتوانك نهایتنی خلع اولنق و یا استعفا تکلیف ایدلک شقلرندن هانکیسنی ارباب حل و عقد ترجیح ایلرسه اجرایی مألنده بر فقره علاوه سیله تصحیح ایتکله بو شکل تصحیحه حاجی نوری افندی راضی اولدی . فتوا تییش و امضا اولدقدن سوکره مجلس صالوننه عودت ایدیلرک